

ZAs!

Zurrumurruen | Red Vasca
Aurkako Sarea | antiRumores



Migrazio Kontuak ¿Chismes migratorios?

Beasain




01.

Gipuz — koa

01 Nola dago osatuta atzerritar biztanleria?

2018an, erroldako azken datu ofizialetan, Gipuzkoan 720.600 pertsona bizi ziren eta horietatik 646.700 Espainian jaioak ziren eta nazionalitate espainiarra zuten. Biztanleriaren % 89,7 dira. Beste era batera esanda, **Gipuzkoan bizi diren hamar pertsonatik bederatzia dira bertakoak.**



Gipuzkoako biztanleriaren banaketa. **Behin betiko errolda, 2018**

Dena den, badira beste pertsona autoktono batzuk, 5.400, Gipuzkoan edo inguruan jaio arren atzerritar nazionalitatea dutenak. Bertakoak dira jaiotzez. Gehienak espainiar nazionalitatea ez duten immigranteen seme-alabak dira. Pertsona afrikarren ondorengoak izaten dira, eta haiei gehiago kostatzen zaie espainiar nazionalitatea lortzea: dena ondo joanda ere, hamabost urte baino gehiago behar izaten dute.

Badira, halaber, 22.700 pertsona, atzerrian jaio izanik jada espainiar nazionalitatea dutenak; askotan latinoamerikarrak izaten dira, hamar urte baino gehiago hemen bizitzen daramatenak eta horrek nazionalizatzeko aukera eman die, latinoamerikar

jatorrizko pertsonen izapideak eta baldintzak arinagoak zaizkielako. Gipuzkoako biztanleria osoaren % 3,1 dira.

Azkenik, atzerritartzat, bere zentzu hertsian, hartzen ditugun pertsonen kolektiboa dugu, alegia, atzerrian jaio izanik artean atzeritar dira, nahiz eta denbora pasa ahala nazionalizatzen joan. Hori bai, jatorri batzuk beste batzuk baino lehenago. Biztanleria hori % 6,4 da.

Autoktonoa ez den biztanleria tipologia hori guztia, “aloktono” hitz teknikoa erabiliz, hartzen dugu atzeritar jatorriko populaziotzat.

Nazionalitatea	Jaioterria		Guztira
	Espainia	Atzerritarra	
Espainiarra	646.670 [89,7%]	22.688 [3,1 %]	669.358 [92,9 %]
Atzerritarra	5.413 [0,8]	45.821 [6,4 %]	51.234 [7,1 %]
Guztira	652.083 [90,5%]	68.509 [9,5%]	720.592 [100 %]


Gipuzkoan bizi den biztanleriaren banaketa, jaioterriaren eta nazionalitatearen arabera, **kopuru absolutuak eta portzentajeak, 2018**

Zer esan nahi du horrek guztiak? Bada, **atzerriko immigrazioa** —bai jaiotze erakoa, bai ondorengotza erakoa— geratzeko etorri dela eta modu iraunkorrean hemen bizitzeko. Gipuzkoan, non **dagoeneko % 10 den**, kopuru hori hazten joango da hurrengo urteetan; ez gehiegi, baina bai etengabe eta pixkanaka. Gaur-gaurkoz 74.000 pertsonaz ari gara hitz egiten.



Atzerritar jatorriko biztanleak jaioterriaren eta nazionalitatearen arabera, **2018, kopuru absolutuak**


Hazkunde kuantitatiboa ez ezik aldaketa kualitatiboa ere ikusten dugu: pertsona asko ditugu jada nazionalizatuta, eta beste batzuk hemen jaioak baina atzerrikoak; eta egoera-aniztasun horrek guztiak gero eta tratamendu errealistagoa eskatzen du eta kasu bakoitzera egokitua, finkatze ereduko immigrazioa delako. Errealitate hori onartzea, harrera egitea ibilbide ondo zehaztutakoekin, funtsezkoa da gero eta anitzagoa izango den etorkizunerako.



Atzerritar jatorriko biztanleen eboluzioa Gipuzkoan, **2007-2018**

02 Eta, Gipuzkoan, nola banatzen da eskualdeka?

Gipuzkoako atzerritar jatorriko biztanleen % 45,5 Donostialdean bizi dira, eta biztanle guztien % 44,4 amerikarrak dira, gehienak latinoamerikarrak.




Ondoren,

- Ia % 14 Bidasoaldean bizi dira, % 10,1 Goierriin, eta % 9,2 Urola kostan
- % 8,2 Debabarrenean, % 6,9 Debagoienan eta % 6,1 Tolosan.

Beste era batera esanda, grafikoan ikusten den bezala, **atzerritar jatorriko 100 pertsonatik 45,5 Donostialdean bizi dira**, eta ondoren, ordenaren arabera, Bidasoaldean, Goierriin, Urola Kostan, Debabarrenean, Debagoienan eta Tolosaldean.


Portzentajeak borobilduz, eskualde bakoitzean biztanleen antzeko proportzio bat egoten da. Autoktonoen eta atzerritarren antzeko portzentaje bat dago, aldaketa txiki batzuekin. Antzekotasuna dago Donostialdean, non bertako zein atzerritar jatorriko biztanleriaren % 46 bizi den. Gainerako eskualdeetan desberdintasun batzuk daude. Goierriin, Debabarrenean eta Bidasoaldean atzerritar jatorriko proportzio gehiago dago autoktonoena baino. Tolosaldean, Urola Kostan eta Deba Goienan, aitzitik, kontrakoa gertatzen da.



Atzerritar jatorriko biztanleriaren jatorriak

Euskal Autonomia Erkidegoan, atzerritar jatorriko biztanleen artean, Latinoamerikako pertsonak dira nagusi. Gipuzkoan ere finkatutako pertsonen % 44,4 dira. % 27 europar nazionalitateetatik datoz eta % 20,7 Afrikatik. Asiatik, % 7,6 finkatu da. Ozeaniako biztanleak oso gutxi dira, % 0,2.


Euskadin ez bezala, Gipuzkoan, europar jatorriko populazioaren pisu handixeagoa dago eta gutxiago afrikar populazioarena. Baina grosso modo euskal ereduari jarraitzen dio.



Zehaztuz gero, gehienak Latinoamerikatik eta Erdialdeko Amerikatik datoz, % 42 baino gehiago. Europar Batasunetik % 22,1. Magrebetik % 14,9, eta gainerako herrialdeen garrantzia gero eta txikiagoa da, eta gutxitan gaintitzen du % 5. Azpimarratu behar da Europar Batasunean funtsezkoa dela Bidasoaldeko eskualdea eta Gipuzkoa eta Iparraldearen artean dauden biztanleria-fluxuak; hala, mugaren bi aldeetan jatorri- eta hizkuntza-ezaugarri oso antzekoak izan ditzaketen pertsonen ondoko estatuko nazionalitatea izan dezakete, eta horietako bakoitzean atzerritarra


dela ageri da. Alegia, gipuzkoar jatorriko pertsonak Iparraldean bizi dira eta Iparraldekoak Hegoaldean.

Gipuzkoako kasuan, garrantzitsua da Erdialdeko Amerikatik etorri berriak diren biztanleen pisua, esaterako, nikaraguar jatorriko biztanleria, eta, bestalde, Pakistandar jatorrikoa, azken hori Asiako biztanleen artean nazionalitate pisutsuena izanik, baita Txinakoaren gainetik ere.



Gipuzkoako jatorriak eskualdekoekin alderatzen baditugu, desberdinasun batzuk ikus daitezke lurraldeka:

- **Debabarreneko** eskualdeak afrikar biztanleriaren intentsitate handiagoa du (% 39,5) Gipuzkoako osoarenak baino (% 20,7).
- **Goierrikoak** (% 42,4) eta **Bidasoaldekoak** (% 34,8) europar jatorriko populazio handiagoa du Gipuzkoakoak baino (% 27).
- **Donostialdekoak** amerikar jatorriko populazio handiagoa du (% 53) Gipuzkoakoak baino (% 44,4).



Atzeritar jatorriko biztanleriaren osaera Gipuzkoako eskualdeen arabera, **2018, portzentajeak**

Desberdintasun horiek doinu beraren gaineko bariazioak dira, baina azpimarratu behar da egokitzapen horiek eskualdeen arteko diferentziei zor zaizkiela. Donostialdeak, adineko biztanle gehiago izanik eta industria gutxiago, pertsona gehiago behar ditu zainketen eremurako eta zerbitzuen ekonomia tertziarizaturako; eta eremu horretara ondo egokitzen da Latinoamerikako biztanleria, bereziki emakumeak.

Goierrirena ez ohiko kasua da Euskadin. Industria presentzia handiago du eta etorkinek prestatuago egon behar dute ingurune horretara eta bertako lan-ohituretara hobeto egokitzeko, eta, horregatik, Europa erdialdeko biztanleria behar da, batez ere Errumaniakoa.

Gipuzkoako Debabarrenak Ermua-Eibar-Elgoibar ardatzaren ereduari jarraitzen dio; izan ere, joan den mendeko 70eko hamarkadaren hasieratik jada

beteranoa den migrazio batek immigrazio berria erakarri du, eta ardatz horretan oso garrantzitsua da magrebtar populazioa, inguru horretan nagusi dena.


Bidasoaldeko kasuan, esan dugun bezala, bere espezifikotasuna zera da: mugaren alde batean eta bestean dagoen kokagunerako porositate handiko muga-gunea izatea.

Desberdintasun txiki baina garrantzitsu horiek erakusten dute zenbateraino egokitzen den immigrazioa, ia suitzar zehaztasunez, tokian tokiko premietara. Eskualdeko alde txikiek jatorrizko diferentziak dakartzate berekin, eta horrek indartu egiten du migrazioak atzeritartasun legeek eta, batez ere, tokiko beharrek baldintzatuta daudelako ideia. Zerbitzuak behar diren lekuetan, premia horiek betetzera etortzen dira pertsonak, eta industria-beharretan, berriz, bestelako pertsonak eta jatorriak.


04 Fluxuen feminizazioa funtsezko beste ezaugarri bat da

Gipuzkoan bizi den atzerritar jatorriko biztanleen % 52,2 emakumeak dira. Egia da migrazio prozesua heltzen joan ahala populazioak ere sexuaren arabera orekatzen jotzen duela. Nolanahi ere den, ikuspegi kuantitatibo hutsetik, migrazioen feminizazioaz ari garenean, adierazi nahi dugu ezen, orain, emakumeak direla —historian zehar ez bezala— mugimendu horietako askoren protagonista eta aitzindari. Ikuspuntu kualitatibotik, horrek adierazten digu enplegu-sektore eta merkatu horiek, genero-arrazoiengatik emakumeei zuzenduak egon direla eta daudela.

Immigrazioaren euskal eredua feminizatua da eta gipuzkoarra era bai. Hori azaltzeko, ikus ditzagun datu orokor batzuk, eta atzerritarren jatorrizko herrialdeen feminizazio-maila aztertu. Gizonezko gehien duten jatorrien artean, Pakistan da nagusi (% 31 bakarrik dira emakumeak), ondoren, Afrikako gainerako herrialdeak (% 38,4) eta Magreb (% 40,5). Emakumezko gehien duten jatorrien artean Latinoamerika gailentzen da (% 62,6). Izan ere, atzerritar jatorriko emakume guztien % 51 latinoamerikarra da, eta latinoamerikarren kolektiboa biztanleria horren guztiaren % 42,5 da.




Gipuzkoako atzerritar jatorri eremuetako feminizazio tasa, **2018, portzentajeak**



Gipuzkoako atzerritar jatorriko emakumeen jatorri eremuak, **2018, portzentajeak**

Datu hori eskualdeka ere islatzen da; izan ere, Latinoamerikako biztanleriaren ehuneko handiena dagoen lekuetan dago zainketen sektorerik nabarmenena. Kasu honetan, Gipuzkoako lurralde historiko osoko ereduaz ari bagara ere, Donostialdea nabarmentzen da, emakumeen % 54,7rekin.


Gainerako eskualdeek datu esanguratsuak ematen dizkigute: Debarrenean Afrikako biztanleriak pisu handiagoa duenez, gizon gehiago daude emakumeak baino, eta Goierri dago gizon-tasa handiena (% 50,9), eskulan industrialagoa behar dutelako



Atzerritar jatorriko biztanleria Gipuzkoako eskualdeen arabera eta sexuen arabera, **2018, portzentajeak**


Azkenik, atal honetan interesgarria da ikustea immigrazioaren euskal eredua nola joan den pixkanaka immigrazio femininorantz lerratzen, urtez urte nazionalitateen feminizazio-maila gero eta handiagoari erreparatzen badiogu.

Latinoamerikar nazionalitateen feminizazioa iritsiera-urtearen arabera, **2018, portzentajeak**




Azkenik, hona hemen Gipuzkoan finkatuta dauden hoge nazionalitate nagusien feminizazio-maila.

Gipuzkoako hoge nazionalitate nagusienak sexua tasaren arabera, **2018, zifra absolutuak**



05 Xehetasun esanguratsuak eta intereseko kontu batzuk


Gipuzkoako nazionalitaterik garrantzitsuena Maroko da, 9.000 pertsona baino gehiagorekin, ondoren **Errumania** (5.628) eta **Nikaragua** (5.119) daude. Jarraian, kontinente guztietako nazionalitateak ditugu, baina guztien artean azkenak etortzen izan diren Nikaragua eta Honduras nabarmendu behar dira.



Nazionalitatea	Sexua		Guztira	%
	Gizonezkoak	Emakumezkoak		
Maroko	5.309	3.708	9.017	12,2
Errumania	3.001	2.627	5.628	7,6
Nikaragua	1.323	3.796	5.119	6,9
Kolonia	1.766	2.576	4.342	5,9
Honduras	1.105	2.620	3.725	5,0
Portugal	2.158	1.545	3.703	5,0
Ekuador	1.568	1.881	3.449	4,7
Frantzia	1.436	1.369	2.805	3,8
Argentina	1.220	1.230	2.450	3,3
Pakistan	1.635	734	2.369	3,2
Dominicar Errep.	730	1.275	2.005	2,7
Brasil	626	12.36	1.862	2,5
Argelia	1.028	669	1.697	2,3
Txina	709	967	1.676	2,3
Ukraina	744	922	1.666	2,3
Venezuela	737	893	1.630	2,2
Peru	738	882	1.620	2,2
Kuba	587	950	1.537	2,1
Bolivia	567	954	1.521	2,1
Senegal	1.112	297	1.409	1,9
Beste	7.237	7.455	14.692	19,9
Guztira	35.336	38.586	73.922	100,0

Gipuzkoako nazionalitate kopurutsuenak, **2018, zifra absolutuak eta portzentajeak**

Atzeritar biztanleriaren portzentajerik handiena **Ordiziari** dagokio, % 18,8rekin. Atzetik dituen herri gehienak ere Goierrikoak dira: Zaldibia, Beasain, Ikaztegieta, Leaburu, Ormaiztegi, etab.




Nolanahi ere, immigrazio-portzentajea ez dator bat nahitaez atzerritar jatorriko biztanleriaren bolumenarekin. Bolumenaren arabera, Donostiako hiriburua da populaziorik handiena duena, eta ondoren datoz Irun, Erreenteria eta Eibar.



Hamar nazionalitate garrantzitsuenen banaketa aztertuz gero, diferentzia esanguratsuak ikus daitezke. Magrehtar jatorriko populazioa lurralde osoan zehar dago banatuta, baina presentzia handiagoa du Debarrenean eta txikiagoa Donostialdean. Errumaniar jatorrikoen kasuan, hamarretik lau Goierrialdean bizi dira. Beste herrialde batzuk, hala nola Nikaragua, Kolonia, Honduras, Ekuador eta Argentinak beren populazioaren erdia baino gehiago Donostialdean dute.


Honduraseko jatorria duen biztanleriaren kasuan, lautik hiru. Nazionalitate frantsesa duen populazioa, Donostialdeaz gain, Bidasoaldean bizi da nagusiki. Azkenik, pakistandar biztanleria Gipuzkoa barrualdeko eskualdetan dago finkatuta

Gipuzkoako 10 nazionalitate garrantzitsuenen banaketa eskualdeetan, 2018, portzentajeak



Espainiar nazionalitatea lehenen lortzen duten kolektiboak latinoamerikar jatorrikoak dira, estatutako eta nazioarteko legedia dela kausa. Latinoamerikar jatorri batzuetan dagoeneko nazionalizatutako populazioa % 60 dira. Kasu batzuetan, Gipuzkoan bizi diren hamar pertsonatik

sei edo zazpi. Beste batzuetan, Boliviaren kasuan, esaterako, ez dira kopuru horietara iritsi, geroago etorri zen kolektibo bat delako. Eta azken bi jatorriak ditugu, Nikaragua edo Honduras, hurrenez hurren nazionalizatutako % 12 eta % 14rekin, oso berriak direla adierazten digutenak.



Gipuzkoako 20 nazionalitate nagusien nazionalitate-tasa, **2018, portzentajeak**

Bestalde, nahiz eta aspalditik hemen finkatuta egon, **Maroko** (% 17), **Algeria** (% 12) eta **Senegal** (% 11) bezalako nazionalitateek erakusten digute zaila, luzea eta garestia dela nazionalitatea lortzea herrialde horietako jatorria dutenentzat. **Pakistan** (% 7) ere azken horien artean dago.

Datu orokor horiek erakusten digute immigrazioa egokitzapen-prozesu motel bat dela helmugako

gizartean zehazten doazen premia batzuen eta horiek konpon ditzaketen kolektibo potentzial batzuen artekoa; eta egokitzapen horri gehitu behar zaizkiola hobeto edo okerrago gainditzeko diren zailtasun administratibo, legal eta materialak. Baina *zaurgarritasun-kate* ikusgarriago bat dagoen bezala, *erregulartasun-continuum* ikusezinago bat ere badago.



02.

Beasain

Jatorriz atzerritarrak % 14,5 dira Beasainen. Beasain da Goierri Gipuzkoan denaren adibide tipikoa. Beasainen bizi direnetatik 11.870, Espainian jaioak dira eta espainiar nazionalitatea dute. Beasainen edo inguruan jaioak dira 288, baina atzeritar nazionalitatea izaten segitzen dute, beren gurasoek ez dutelako eskuratu espainiar nazionalitatea.

Atzerrian jaioak dira 347, baina eskuratu dute espainiar nazionalitatea, eta atzerrian jaio eta atzeritar nazionalitatea dutenak 1.376 dira. Beste era batean esanda, immigrazioa dibertsifikatu egin da eta denetik dago, jaiolekuak ez baitu nazionalitatea baldintzatzen, Espainiako legeriaren arabera. Beasainen, gainera, **nazionalitate nagusia errumaniarra** denez eta **Europar Batasuneko herritar** direnez, ez dituzte hasten espainiar nazionalitatea eskuratzeko izapideak

Nazionalitatea	Jaiolakua		Biztanleria guztira
	Espainian	Atzerrian	
Espainiarra	11.870	347	12.217
%	85,5	2,5	88,0
Atzeritarra	288	1.376	1.664
%	2,1	9,9	12,0
Guztira	12.158	1.723	13.881
%	87,6	12,4	100

Beasaingo biztanleria, kontuan hartuz jaiolekua (Espainia/atzerria) eta nazionalitatea (espainiarra/atzeritarra), **2018, zifra absolutuak eta ehunekoak**

Beasainen 54 nazionalitateko 2.011 pertsona bizi dira, eta gehiago dira gizonak (% 52,8) emakumeak baino (% 47,2). Hori da latinoamerikar nazionalitateak gutxiago direlako eta **industriako enpleguak garrantzi** handiagoa duelako pertsonen zaintzak baino. Horrek erakusten digu, lehenik, immigrazioaren hainbat azpi-eredu daudela Gipuzkoan eta, bigarrenik, azpi-eredu bakoitzak bere nazionalitateak dituela.

Beste era batean esanda, **migrazioak** ez dira gertatzen norabiderik edo logikarik gabe, baizik eta helmugako **beharren arabera eta, beraz, helmugak agintzen du** eta hautatzen du zer-nolako etorkinak behar dituen. Hartzen duenak hautatzen du beti.

Nazionalitatea / Jaiolakua	Beasain			%		
	Gizonak	Emakumeak	Guztira	Gizonak	Emakumeak	Guztira
Espainia / Atzeritarra	156	132	288	7,8	6,6	14,3
Atzerrian / Atzeritarra	745	631	1.376	37,0	31,4	68,4
Atzerrian / Espainiarra	130	187	347	8,0	9,3	17,3
Guztira	1.061	950	2.011	52,8	47,2	100,0

Jatorriz atzerritarrak Beasainen, kontuan hartuz jaiolekua, nazionalitatea eta sexua, **2018, zifra absolutuak eta ehunekoak**


Jatorrizko nazionalitateei dagokionez, nagusi dira Europar Batasunaren azken zabaltzeak –Errumania, Bulgaria eta Kroazia–, Errumaniakoak baitira % 44,9. Ondoren, ia % 15 latinoamerikarrak dira jatorriz, eta Afrika iparraldekoak % 11,5. Gainerako ehunekoak apalagoak dira. Nolanahi ere, Goierri osoko moduan, **Europatik dator % 55,1**, gainerako eskualdeetan ez bezala.

	Gizonak	Emakumeak	Guztira	Gizonak	Emakumeak	Guztira
EB 25	91	77	168	4,5	3,8	8,4
EB28 (Errumania, Bulgaria eta Kroazia)	499	404	903	24,8	20,1	44,9
Gainerako Europa	17	19	36	0,8	0,9	1,8
Magreb	136	95	231	6,8	4,7	11,5
Gainerako Afrika	63	37	100	3,1	1,8	5,0
Iparamerika	3	9	12	0,1	0,4	0,6
Zentroamerika	35	81	116	1,7	4,0	5,8
Hegoamerika	128	169	297	6,4	8,4	14,8
Txina	14	16	30	0,7	0,8	1,5
Pakistan	62	33	95	3,1	1,6	4,7
Gainerako Asia	13	10	23	0,6	0,5	1,1
Guztira	1.061	950	2.011	52,8	47,2	100

Beasaingo jatorri atzeritarreko nazionalitate eremuak sexuaren arabera, **kopuru absolutuak eta ehunekoak**

Atzeritarren jatorria desberdina da Gipuzkoan eta Beasainen: Goierri osoko moduan, **Beasainen oso ugaria da Europaren erdialdeko immigrazioa**, errumaniarra, eta urriagoa latinoamerikarra.

Gipuzkoako jarduera, oro har, zaintzan eta zerbitzuen gizartean oinarritzen da, baina **Goierriko gizarteak industrialia izaten segitzen du**. Jarduera bakoitzak bere immigrazioa dauka.



Beasain eta Gipuzkoako atzerri jatorriko nazionalitate eremuen konparazioa, **2018, portzentajeak**

Nazionalitateei begira, errumaniarra gailentzen da: 890 pertsona, hau da, jatorriz atzerritar direnen % 44,3. Urruti geratzen dira Maroko, Ekuador edo Portugalgo nazionalitateak. Bertakotu direnen % 66 dira lau nazionalitate horiek. Gainerako nazionalitateak urriagoak dira, eta jatorri franko daude.

	Gizonak	Emakumeak	Biztanleria	%	% Metatuta
Inmigrazioa	1.061	950	2.011	100	
Errumania	491	399	890	44,3	44,3
Maroko	120	83	203	10,1	54,4
Ekuador	57	70	127	6,3	60,7
Portugal	55	52	107	5,3	66,0
Pakistan	62	33	95	4,7	70,7
Nikaragua	17	35	52	2,6	73,3
Senegal	35	9	44	2,2	75,5
Argentina	20	15	35	1,7	77,2
Venezuela	12	23	35	1,7	79,0
Txina	14	16	30	1,5	80,5
Algeria	15	12	27	1,3	81,8
Kuba	8	16	24	1,2	83,0
Dominikar Errep.	6	18	24	1,2	84,2
Brasil	10	14	24	1,2	85,4
Mali	14	9	23	1,1	86,5
Kolonia	7	15	22	1,1	87,6
Ukraina	9	8	17	0,8	88,5
Frantzia	8	8	16	0,8	89,3
Honduras	4	12	16	0,8	90,1
Txile	6	10	16	0,8	90,9
Gainerakoak	91	93	184	9,1	100,0

Beasaingo jatorri atzerritarreko nazionalitate nagusiak, **kopuru absolutu eta portzentajeak**



03.

Zurrumu — rruak

Fenomeno iragankorra al da immigrazioa?

Badirudi ezetz, eta hala berresten dute migrazioetan aditu direnek. Haziz doa Europara joango den immigrazioa, eta, haren ezaugarri nagusia da, lehenik, gure premien arabera aukeratutako immigrazioa bat dela. Eta, bigarrenik, ezin ditugu saihestu Nazio Batuen Populazioaren Dibisioak egindako aurreikuspenak Afrikako biztanleriari buruz, zeina mende amaierarako laukoiztu egingo baita. Izan ere, 1950eko 229 milioi pertsonetatik 2017ko 1.247etara pasatu da dagoeneko.

Guk aukeratzen al dugu immigrazioa?

Jakina. Futbolean bezala, taldeek dagoen lekuan bilatzen dute behar dutena, beren gaitasun ekonomikoaren arabera. Ezin da ukatu egongo dela **dei-efektutik** zerbait, baina betiere **premia-efektuaren** ondorioz: zer behar duzun, hori eskatuko duzu. Euskadin emakume latinoamerikarrak eskatzen ditugu familia eta zaintza beharrak ase ditzaten, eta gizon latinoamerikarrak zerbitzuen sektorerako. Erdialdeko Europako pertsonak ere behar ditugu, batez ere Goierri aldean. Populazio txinatarra autoerregulatu egiten da. Afrika iparraldekoa edo Magrebekoa gertu dagoelako etortzen da. Saharaz hegoaldeko biztanleriatik, dagoeneko hemen senideak dituzten ausartak iristen zaizkigu.

Baina aukeratzen den baino gehiago jasotzen da?

Ez askoz gehiago. Oro har parra egiten da. Asko jota, finkatzen den biztanleriaren % 10 inguru ez da hemengo premiek eragindakoa, eta gehiago iristen da bere beharengatik gurengatik baino. Gainerako kasuetan, guk bidalitako seinaleek —zeinak etortzeko zain dauden hautagaiek jasotzen dituzten— agintzen dute. Beti da aurretik etorritako senide bat hurrengoei deitzen diena. Beti izan da horrela. Immigrazioa fenomeno konplikatua da mugitzen den pertsonarentzat, baina funtzionamiendu erraza du. Hemendik eskatu eta jendea iristen da. Deialdia gelditu eta geratu egiten da. Dagoeneko hemen finkatuta daudenek eskuan semaforo bat duten trafiko-agente gisa funtzionatzen dute. Ekonomia-goraldietan hona datoz; ekonomia-beheraldietan, geratu egiten dira.

Baina ez al da hobe immigrazio arautu bat?

Bai, seguru asko, baina immigrazioa praktikan arautzen da. Bada kontu bitxi bat, kontraesana dirudiena. Krisi garaian, sarri entzun ohi da estatus irregularrean dauden etorkinek beren jatorrizko lekura itzuli beharko luketela. Bada, hona hemen paradoxa: zenbat eta egoera ekonomiko hobe, orduan eta etorkin gehiago iristen dira, eta, noski, orduan eta irregular gehiago. Irregularrak diogu, alegia, administrazioa-arauren bat hausten dutenak. Eremu edo lurralde batean erregulartasun **handia** edo **gehiegi** dagoenean, eremu hori ekonomikoki hilda dagoelako da.

Baina ez al da kontraesana?

Ba, jakina, horixe esan dugu. Galdera hau egin behar genuke: zergatik herrialde **guztiek** egiten dituzte arautzeko legeak uneren batean? Lehenago pribatuan egiten zutena azkenean argi eta publikoki onartzen dutelako, alegia, finkatu diren pertsonak beharrezkoak direla. Lehenengo, harroxko jarri eta inor ez dela sartuko diogu. Gero, itsuarena egiten dugu ez ikusia egiteko. Eta azkenean, arautu egiten da jada esan gabe onartuta zegoena. Hauxe galdetu behar genuke: ikasi al dugu lekzioa? Ez, inolaz ere ez, eta hasierara bueltatzen gara, antzara-jokoan bezala.

Laburbilduz, egiturazko fenomeno al da immigrazioa Euskadin?

Bai, hala da, eta hala izango da. Ez da gustu edo desira kontu bat. Errealitate bat da. Euskadin, 2019an, 225.000 pertsona inguru daude atzerritar jatorrikoak. Zer esan nahi du horrek? Euskadin jaiotako 20.000 haur inguru daudela oraindik atzerriko nazionalitatea dutenak, badirela 70.000 baino gehiago atzerrian jaio eta nazionalitate espainiarra dutenak, eta 145.000 inguru atzerrian jaio eta atzerriko nazionalitatea dutenak.

Nazionalitatea	Jaioterria	
	Espaina	Atzerritarra
Espainiarra	1.900.000	70.000
Atzerritarra	16.000	41.000

Hemen jaio eta artean atzerritarrak direnak eta atzerrian jaio eta espainiar nazionalitatekoak direnak egoteak zera adierazten digu: hemen —seguruenik betiko— finkatzea erabaki duen biztanleriaren aurrean gaudela. Datu hau onartu beharra dago errealitate bat delako, eta errealitatea beti nagusitzen da. Zenbat eta lehenago onartu, orduan eta hobeto kudeatuko ditugu harrera- eta finkatze-prozesuak.

“Bai, guk ere iraganean beste herrialde batzuetara emigratu genuen. Baina desberdina zen, gu legez gindoazen, lan-kontratuarekin”

Bada badirudi ez zela zehazki horrela izan. Orduko Lan Ministerioaren arabera, 1960 eta 1965 artean emigrazioaren % 51 librea edo klandestinoia izan zen. Hau da, paperik gabea, legez kontrakoa edo ilegala orain deitzen diegun bezala.

Behin emigratuta, ikuspegia aldatu egiten da ferian kontua nola joan zaizunaren arabera. Saldoa positiboa izan bada, iragana idealizatu eta nahigabeak ahaztu egiten dira.

Hain zaila da erlijio-dibertsitatea arautzea?

Ez, eta lege asko dago helburu horretarako. Uste den baino gehiago. Beste kontu bat da horrelako egoeretan sortzen den alarma soziala, batez ere erlijio musulmanari dagokionean. Beste erlijiorik ez dagoela ematen du. Izan ere, erlijio musulmanaren kasuan, beste erlijioekin, ortodoxoarekin edo ebanjelikoarekin, sortzen ez diren arbuioak sortzen dira.

Paradoxikoki, atzo arte hain fededuna izan den euskal gizartea, eta gaur egun kontrako muturrera joan dena, ez da konturatzen gure herentzia kultural eta erlijiozkoa leku guztietan idatzita dagoela –gure tradizioan, gure eguneroko ohituretan, memoria sozialean, adierazpen kulturaletan, bizi-errituetan, lan-egutegian– aldi berean laiko sentitzen den bitartean.

Zentzuzkoa da neurri bikoitza erabiltzea gertaera erlijiosorako?

Dudarik gabe, ez da onargarria balizko jarrera laizista hori mantentzea eta aldi berean erlijio minoritario jakin batzuetan, erlijio musulmanean esaterako, lupadun begirada jartzea eta gure tradizio erlijiosoaren adierazpen publikoei ez ikusiarena egitea. Jarrera honek **katolaizismo** deitu dezakegunaren antza du, eta horrek egiten du auzo bateko biztanleak erlijio-aldaketen aurrean haserretzea, elizen sekularizatzea kritikatzeko, meskitak eraikitzearen kontra egitea, beraiek eliza bat zapaltzen ez duten arren.

Hain bateraezinak gara musulmanak eta gu?

Printzipioz ez. Kristautasunarekin eta judaismoarekin batera, hirugarren erlijio monoteista eta liburuduna osatzen du. Seguruenik ere, elkarren arteko aldeak baino gehiago elkarren antza izango dute. Zonalde berean sortu ziren ia garai bertsuan. Izan ere, erlijio musulmanean kontuan hartzen da, esate baterako, Jesusen figura.

Benetan zer denak duen garrantzia baino gehiago, zer iruditzen zaigun da kontua. Eta iruditzen zaigu bi erlijioen artean izugarritzko aldea dagoela eta bateraezinak direla. Pertsona musulman askori ere kristautasunarekiko gauza bera gerta dakieke. Hala eta guztiz ere, estatu espainolak islama errotze nabarmeneko erlijiotzat jotzen du, eta 1989tik aurrera, de facto gutxiengo erlijioso espainoltzat hartzen du. Hori horrela izanik, kontua ez da euskal gizarteak tradizionalki izan duen erlijioaz bestelakoa duten pertsonak integratzea. Kontua da gizarteak eta estatuak erlijio hori euskal eta espainiar gizartearen parte gisa onartzea.



Zurrumurruen | Red Vasca
Aurkako Sarea | antiRumores



Gipuzkoako
Foru Aldundia
Diputación Foral
de Gipuzkoa



Beasaingo udala

zurrumurrurikez.eus

antirumores@zurrumurrurikez.eus